



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Quomodo Christum hæc eadem animalia figurauerint. Sectio XI.

urn:nbn:de:hbz:466:1-39261

Quomodo Christum hæc eadem animalia figurauerint.

SECTIO XI.

Christum Dominum in eisdem quatuor animalibus expressum fuisse affirmant Primasius, Rupertus, Arethas, Pannopius, & Glossa ordinaria in hunc locum, & D. Hieron. in proœmio in quatuor Euangelia, Anastasius Synasta lib. 4. suorum commentariorum in Hexameron, & alij. Quia nimirum Christus in incarnatione homo fuerit, in passione vitulus, in resurrectione leo, aquila in ascensione. Vel aliter: quia per hominem designatur eius humanitas, per vitulum sacerdotium, per leonem regnum, per aquilam diuinitas, quæ utraque expositio est D. Hieronymi loco paulò ante citato. Eiusdem quod Christus per incarnationem homo fuerit manifestum est; similiter quod per passionem vitulus, cum vitulus sit iuxta legem immolatiuum animal. Quam ob causam dixit Paulus ad Cor. 5. *Pasccha nostrum immolatus est Christus.* Quod etiam in ascensione aquila fuerit, altissimus demonstrat aquilæ volatus, quem Christus longè sua ascensione superauit, cum teste Apostolo ad Ephesios 4. super omnes caelos ascenderit.

Illud tantum aliquis querat, quomodo in resurrectione leo fuerit, respondeamus. Primam rationem esse, quod infinitam diuinitatis suæ potentiam ostendit, cum seipsum à mortuis suscitauit, vt rectè dictum sit Apoc. 5. *vicit leo de tribus Iuda.* Secunda ratio defumitur ex eo quod refert D. Ambrosius lib. 6. Hexameron capite 3. leonis voci tantum naturaliter inesse terrorem, vt multa animalium, quæ per celeritatem possent impetum eius euadere, rugientis eius sonitu, quasi vi ætonita, atque ista deficient: ita enim Christus post resurrectionem, per Apostolorum prædicationem, instar leonis rugiens gentes nulla vi, sed solo rugitu victas tenuit, atque ad sui cultum, & adorationem pertraxit, quod ad litteram cecinit Abacuc cap. 3. cum dixit. *Asperis, & dissoluit gentes,* seu vt Septuaginta transtulerunt, *Asperit, & distabuerunt gentes,* sic enim legit D. Hieronymus, Theodoretus, Theophylactus, id est, *ἐτάρχη* non autem distare facit, id est, *ἐξήγαγεν* vt habent codices Complutensis, & Regius. Tertia ratio depromi potest ex eo quod refert Plinius libro 8. historia naturalis cap. 16. leoni tunc præcipuam generositatem aduenire, cum colla armosque vestiunt iuba: Ita enim Christi maiestas præcipuè per resurrectionem splenduit, nam tunc immortalitatis vestibus indutus, quasi leo iubas per colla, armosque sparit, generosum se leonem de tribu Iuda, & hostibus terrificum ostentans: quod typicè in Sampsonè fuit expressum, cum ei renatis crinibus fuit fortitudo restituta. Vnde Augustinus sermone 108. de tẽpore. *Capilli, inquit, rediuiui capus Sampsonis iterum vestierunt, quia Iudæi nec resurgentem Christum cognoscere voluerunt.* Quarta ratio duci potest ex eo, quod de catulo leonis memoriæ proditum est, cum primùm nascitur, tribus integris diebus ac noctibus dormire: Deinde verd patris rugitu suscitari: quod etiam refert Origenes homilia 17. in cap. 49. Genesis. Atque in hunc sensum de Christo interpretatur illam Iudæ benedictionem, quæ eodem cap. commemoratur, *Catulus leonis Iudæ, ad prædam gl' mi, ascendisti, requiescens accubisti vt leo, & quasi leona quis suscitabit eum?* vbi docet Christum instar catuli leonis tribus diebus ac noctibus in sepulchro quasi dormiuisse, & die tertio fuisse à Patre suscitatum.

Eundem locum de Christi resurrectione intellexerunt D. Athanasius in quaestionibus ad Antiochum, (si eius sunt) quaestione 103. D. Ambrosius in benedictionibus Patriarcharum, D. Augustinus libro 26. de Ciuitate Dei cap. 41.

I.
Primas.
Rupertus.
Arethas.
Pannon.
Glossa.
D. Hieron.
Anast. Synast.
Quatuor
animalia
Christo variè
adumbrant.
1. Cor. 5. 7.

II.
Christus in
resurrectione
quomodo leo.
Apoc. 5. 5.
D. Ambros.

Abacuc. 3. 6.
D. Hieron.
Theodoret.
Theophyl.

Plinius. 8.

Christi forti-
tudo in resur-
rectione in
Sampsonè ex-
pressa.
D. August.

Origenes.

III.
D. Athanas.
D. Ambr.
D. August.

D. Bernard.
D. Gregor.
Psalm. 101. &
Christus Pe-
licano com-
paratur.
Gregor.

D. Bernard. homilia super Misus est. Et D. Gregor. in sua explanatione super se-
ptem Psalm. pœnitentiales, super illa verba, quarti Psalmi pœnitentialis, qui est
inter Psalm. 101. *similis factus sum pellicano: vigilavi, & factus sum sicut passer solitarius in
tecto*, ubi Greg. Simile quiddam narrat de pellicano. *Ferunt, inquit, Philoſophi, quod
pellicanus filios suos statim ut nati sunt, interficit, postea vero per triduum multo dolore se afficit,
eisque quodammodo naturæ affectum ostendit, postea vero mater seipsam vulnerat, eosque san-
guine suo resuscitat. Quis vero Pater noster, & mater nisi mediator Dei, & hominum, qui oc-
cidit in nobis omnem iniquitatem, ut meliorem inueniamus resurrectionem?* Hæc tenus Greg.

D. August.

Idem refert de Pellicano D. August. in Psalm. 101. ubi eam ob causam loquentem
facit Christum illis verbis. *similis factus sum pellicano*: atque ad utramque, siue de
leone, siue de pellicano sententiam referri potest illud Osee. 6. *Vinificabis nos post
duos dies, in die tertio suscitabis nos*: Qui locus, (quicquid alij dicant) de resurrectione
Christi intelligendus est: quemadmodum interpretati sunt Tertul. lib. aduersus
Iudæos, Lactantius lib. 4. Diuinarum institutionum, cap. 9. Origen. hom. 5. in
Exod. Rufinus in expositione Symboli, D. Cyprian. lib. 2. Testimoniorum ad-
uersus Iudæos, c. 24. D. August. lib. 18. de Ciuitate Dei, cap. 28. Greg. Nyssen. lib.
de cognitione Dei, D. Hieronymus, & Theodoretus in eum locum. Denique
præter alios Dorotheus martyr in Synopsi, ubi addit epim locum Osee fuisse in-
dicatum à Paulo 1. ad Cor. 15. cum dixit, *surrexit tertio die secundum scripturas*.

Tertul.
Lactan.
Origenes.
Ruffin.
D. Cypri.
D. August.
Greg. Nyss.
D. Hieron.
Theodoret.
Dorothe.
Cor. 15.

III.

Christus etiam
moriendo,
leo.
Anast. Sy-
nai.

Non defunt etiam qui similitudinem leonis ad ipsam mortem Christi refe-
rant, idque velint significatum eodem loco Genesis supra citato, cuius similitu-
dinis multiplicem afferunt rationem. Prima redditur ab Anastasio Synaita libro
4. suorum commentariorum in Hexameron, (& habetur in appendice Bibliothe-
cæ Sanctorum Patrum) quia videlicet quemadmodum de leone dicitur, quod
non dormiat, id quod ex eo ortum habuit, quia dormit apertis oculis: Ita Chri-
stus in sepulchro apertum habuit diuinitatis oculum, separata enim anima à
corpore, utrumque tamen mansit vnitum hypostaticè Verbo. Aliam non minus
elegantem affert Anastasius quæstione illa 103. ad Antiochum: *Quia quemadmo-
dum, inquit, leo etiam cum dormit terribilis est, sic mors Dominica terrori fuit, tum morti,
tum diabolo*. Tertia est D. Greg. in 4. pœnitentialem. *Præ leo, inquit, requiescens accubuit,
quia mortem sponte subiuit*.

Mors Chri-
sti, moris, &
dorsulo ter-
ribis.
D. Gregor.
Cætes.

V.

Christus in-
star leonis
nihil sibi ti-
muit in mor-
te.
Psalm. 21. 13

Quartam denique excogitauit Caietanus super cap. 49. Genesis, Christum
nimirum accubuisse ut leonem, quia securus accubuit, nihil videlicet sibi timens:
quæ ratio ex eo potest illustrari, quod leo tela dicitur spernere, & illa in eo nobi-
lior animi significatio emineat, quod qualibet magna canum, & venantium vr-
gente vi contemptim incedit, quod mirificè in Christum conuenit, qui vndi-
que à venatoribus circumuentus, quasi præda nihil vel in ipsa morte sibi timuit,
quò pertinet illud Psalmi vigesimi primi, *Circumdede runt me anes multi*: imò eius
hostes nihil ipsi nocuisse, sed sibi ipsis. Idem apud Regium vatem alibi significa-
uit, cum dixit, *Circumdede runt me sicut apes*: qua similitudine quamuis Euthymius,
& alij existiment significatam fuisse vehementiam, & promptitudinem Iudæo-
rum aduersus Christum, apes enim fauo mellis inuento summa promptitudine,
ac vehementia illum circundant, ac mellis succum exugunt. Nihilominus Hai-
mo, & Magister sententiarum arbitrantur indicatam ea similitudine fuisse Iu-
dæorum propter mortem Christi, euerſionem: quemadmodum enim apes in-
fixo aculeo sese euiscerant & moriuntur: ita Iudæi occiso Christo, perierunt.
Sed non est præmittenda hoc loco expositio D. August. *Mel, inquit, apes ope-
rantur in fauis, nescientes igitur persecutores fecerunt cum nobis in passione dulciorem*.

Enthym.
Haimo.
Magister
Sentent.

Verum